

隨

園

全

集

素文女子遺稿
湘痕閣詩稿
湘痕閣詞稿

隨園全集出三十五

李文虎子馥高

澹滄署

中華民國十年
上海商務印書
局總發行所

女弟素文傳

枚第三妹曰機字素文皙而長端麗爲女兄弟冠幼好讀書旣長益習於誦賦衽之旁縹緗皮積雍正元年先君客吳中聞衡陽令高君清卒庫虧妻子獄繫嘆曰我高公幕下客也非我往則難不解遂治裝歷洞庭而南告其弟高八曰曩而兄傾庫供上官吾嘗止之而兄不可則勸其簿籍而加印焉亦知正爲今日計乎高大悟檢篋得印簿訴制軍制軍者大學士邁柱也素善先君兼知高公之寃爲平其事當是時簿中貴人隱探高氏孤稚無能爲使人具三千金啖先君先君怒而叱之高八益感謝臨別泣曰無以報聞先生第三女未昏某妻方妊幸而男也願爲公壻已而果然因寄金鎖爲禮時妹未周眸枚長妹四歲代繫金鎖飾項者數年高故如臯人而先君自楚歸復之粵之滇之閩與高氏音問遂絕乾隆七年高八執訊來曰某子病不可以昏願以前言爲戲先君猶豫妹侍側持金鎖而泣不食先君亦泣亦不食以其意復高氏高之族人驚讙傳高氏得貞婦高八歿其兄子繼祖來曰壻非疾也有禽獸行叔杖死而蘇恐以怨報德故讒言辭昏賢女無自苦妹聞如不聞竟適高氏高渺小僕而斜視躁戾佻險非人所爲見書卷怒妹自此不作詩見女工又怒妹自此不持鍼黹索奩具爲狎邪費不得則手搯足踐燒灼之毒畢具姑救之毆姑折齒輸博者錢將負妹而鬻妹見耳目非是告先君先君大怒訟之官而絕之妹歸侍母母體微不適妹徹夜立持粥飲而匕箸進之又記稗官雜史國家治亂名臣言行神也鬼怪可喜可愕者數稱說歌呼爲老人娛枚入定省聞所未聞學爲之博自離壻後長齋衣不純采不鬢鬢不聞樂有病不治遇風辰花朝輒背人而泣如臯人至必出問堂上姑安否寄贈服食甚謹前一年高氏子

鏡

我有秦宮鏡清光欲上天
近看花獨立遠望月孤懸
菱角何時鑄盤龍不記年
無人來照影拋擲井闌邊

秋夜

不見深秋月影寒
只聞風信響闌干
閒庭落葉知多少
記取朝來著意看

閒情

欲捲湘簾問歲華
不知春在幾人家
一雙燕子殷勤甚
銜到牕前盡落花

得香亭步蟾兩弟家信作此寄之

經年離別悵何如
漁弟樵兄兩索居
每恐峰高無過鴈
偶因潮落有雙魚
關山風月情何似
鄉國琴書味有餘
只爲家貧歸未得
江南江北各躊躇

初醒女兒言語輸鸚鵡

余一女病瘡

兄弟情懷感鶴鴿
遠信有時憑客報
書聲何日隔花聽
吳綿

買就無人寄腸斷
秋山日暮青

輓陶姬

阿兒侍著

誰遣孤鸞作別離
紅蘭銷歇采雲悲
妝空畫閣春歸早
親遠關山信到遲
素紙臨風空望影
鏡花何日再論詩
知君最是情難割
膝下嬌癡有女兒

脩眉雲髻態情情
欲返香魂路莫尋
鍼綫頻勞雙手爪
悲歡同說十年心
無家歎我因緣惡
瘦影憐君春恨深
從此綠牕金

翠冷蘭薰粉澤盡消沉

寄姑

欲寄姑恩曲盈盈一水長江流到門口中有淚雙行

阿兄得子不舉

方幸胞衣紫驚聞玉樹凋桂香初落子泡影不終朝門戶憑誰託麒麟不可招諸姑兼伯姊
同有淚難消 事好翻成夢天高欲問難如何終歲望不得片時看強仕年將過徵蘭夢
又殘萱堂頻問信強自報平安

寄二弟香亭

年來芳訊少鴈字隔長河惜墨緣書拙敲詩費紙多生涯雲過影心事并銷波極目遙天月
清宵隱薜蘿

送雲扶妹歸邗後送履青弟歸武林

春風楊柳散花天荆樹分行各著鞭梅雨池寬閒釣艇茶糜香冷罷鞦韆飛飛鴻雁雲千里
寂寂樓臺月一弦兩處離情江水闊幾時同返木蘭船

偶作四絕句

歸夢隔揚州空庭雨不休女嬌頻乞果婢小懶梳頭 花好莫焚香夜涼休拜月願持一
片心寄與嫦娥識 難逢千日酒且煮六班茶怕引游蜂至不栽香色花 照水覺心
清挑燈愛影明身閒宜睡早夢短恰詩成

聞鴈

秋高霜氣重孤鴈最先鳴響遏碧雲冷
鐙含永夜清自從憐隻影幾度作離聲
飛到湘簾下
寒衣尙未成

鐙

添盡蘭膏惜寸陰煎熬終不昧
初心孤檠柄曲吹痕淡細雨更殘
背壁深有燄尙能爭皎月
無花只可耐孤吟平生一點分明意
每爲終風恨不禁

感懷

蘭熏粉澤久飄流落葉哀蟬獨倚樓
奩具久爲遊子費書香空與此身留
夢中明鏡開還合
水上飛雲斷不收回首夕陽芳草路
那堪重憶恨悠悠

春懷

二月清明柳最嬌春痕紅到海棠梢
寄聲梁上雙飛燕好啄香泥補舊巢

妝殘

妝殘翡翠愁經眼詩牘鸞箋怕記題
無事懷人枉惆悵碧紗牕外曉風低

有鳳

有鳳荒山老桐花不復春死猶憐弱
女生已作陳人鐙影三更夢疊花頃
刻身自傷明鏡裏
日日淚痕新

寄二弟詩五首欲發未發將半年矣歲暮得便加二首并寄之

殘歲只餘三日臘歸人猶有兩年期
池塘無復鴛鴦宿楊柳春風好展眉
墨坐蕭齋喜汝鱗鴻次第來前日書成猶懶寄今朝并作一函開

謂鳳

久拋筆

送雲扶妹歸揚州

江城花落滿溪烟，送汝于歸二月天。一路暖風琴瑟好，春聲都在木蘭船。此去蘋蘩慎所司，西湖花鳥莫相思。同懷姊妹憐卿小，珍重初離膝下時。水榭風燈廿四橋，乘鸞月夜好吹簫。雙魚切記勤芳訊，莫負春江一夜潮。清風林下說才華，久有詩名重謝家。學罷杭州大梳裹，又彎新髻插瓊花。

追悼

燕去空梁晚簾虛，素月流輕羅冷團扇。明鏡掩妝樓有女，憐孤稚無書問。遠遊誰知白楊樹，蕭瑟墓門秋。寂寂疎簾裏，飛霜下碧空。殘花啼曉露，病髮落秋風。卅合三生幻，雙飛一夢終。憑棺猶未得，淚盡大江東。死別今方覺，生存已少緣。結褵過十載，聚首只經年。舊事渾如昨，傷心總問天。蕭蕭風雨際，腸斷落花烟。

隨園雜詩

采蘋亭上烟波暖，需雅軒前竹石清。水榭雲廊三十六，玻璃窗外月先明。幾叢水竹湛清華，終日遊仙總在家。慣趁山中春信早，別開花讌讌唐花。樹上鶯啼花上歌，水生紋錦月生波。簾垂玳瑁看山遠，座隔芭蕉聽雨多。草色青青忽自憐，浮生如夢亦如烟。烏啼月落知多少，只記花開不記年。

妹少時吟詠極多，陳燭門先生國朝詩品中存十之七，嫁後良人戒詩稿亦散失，茲檢其歸甯以來之作，付之開雕，麤存梗槩，聊志哀痛云爾。兄枚再跋。

五枝荆樹好，忽隕第三枝。最是風華質，還兼窈窕姿。令儀宜協吉，論齒未應衰。情以隨肩重，喪因在室悲。鵲鴿飛竟斷，手足夢重追。弄藥爭花日，將筭未弁時。金籠擒蟋蟀，竹馬逐鄰兒。各踞長松鍛，分野竈炊書。燈裁紙照學，舍隔簾窺呵。手團清雪當盤算，切棋鬪殘春草綠。舞罷柘枝歛，貧不爭梨栗。懽能詠豆萁，非魚常作隊。似鴈不差池，擬續蘭臺史。將刊紫石碑，阿兄試京兆。小妹倚門楣，望信頻穿眼。登科代展眉，分襟長戚戚。聚首更怡怡，至性醇無比。多情累在斯，一聞婚早定。萬死誓相隨，采鳳從鴉逐。紅蘭受雪欺，踏搖囚素髮。脈摘損凝脂，瑣佩嬰兒撒。犁健婦持耒，餘添姊禍嫁。後失爺慈捨，宅棲蘭若長。齋伴濟尼當，官懲壻惡。合族笑姨痴，婦棄仍歸矣。天高不鑿之，已經分破鏡。長自奉慈帷，紛悅辛勤侍。羹湯宛轉吹，呼盧老親伴。問字舉家師，有女空生口。無言但點頤，女一方形。勤指矩圓象，強摹規水色。雲沉閣山光，樹轉鸚鵡避。人常獨坐對，影輒漣沍。豈戀終風暴，常懷其雨思。冰心明月見，春恨落花知。寂寂芳華度，奄奄玉貌移。九迴腸早斷，一日病難治。自覺傷心極，臨危作遠離。家貧投賤藥，膽壯誤庸醫。白下巫陽至，揚州蕩子羈。魂孤通夢速，江闊送終遲。余得信前一小夢路與妹如平生數上錢猶卜靈前帳，已披承衾摩暝目。搜篋理殘詩，未止高堂慟。先教私淚垂，蒼茫惟有恨。啼勸兩難爲，念我連年瘡。勞君徹夜支，今朝偏送汝。他日更呼誰，殘雪敲牕戶。悲風動酒卮，浮生千古幻。哀輓幾行辭，盼斷黃泉路。重逢可有期。

哭三姊四首

弟樹香亭氏

解賦椒花性最淳，忽分棠棣倍傷神。若爲男子眞名士，使配參軍信可人。寶鑑雲昏殘月色，蘆簾風掩落花春。縱教青史傳遺跡，已負生前金粟身。猶記支牀靜臥餘，珊瑚瘦骨影。

清癯持家尙替兄籌策煎藥還爲弟惜髮姊病篤予執湯藥姊笑云弟髮無多當留作苦吟

此尙如病久事繁容婢懶坐愁力弱索花扶可憐十日揚州別已唱招魂仗女巫少守三

從太認真讀書誤盡一生春無家枉說曾招聳聳古壩字見西陽雜俎有影終年只傍親蕩子已亡方

掩涕慈姑猶在更傷神靈前空牘癡頑女也著麻衣學謝人高堂垂白淚雙流弱女伶

丁未解憂教養竟交媼姊替晨昏添與阿兄愁頻搜奩篋收遺稿略牘珠璣見遠謀更慟生

無佳偶匹死猶孤塚各清秋

哭從母

陸建瀾君

劉家文藻說三娘林下風殘斷鴈行誰信有才真命薄生教無計奈夫狂藥磁夢冷樓頭月

松作秋枯嶺上霜最是傷心遺弱女麻衣看著雪衣裳當年憐愛阿甥孤曾記床前竹

馬扶白雪裁詩陪道蘊青燈說史侍班姑賢明豈但稱閨秀儒雅難逢此士夫應識幽貞猶

有恨不曾將淚到蒼梧青紗輟帳冷斜曛剩有殘編稿未焚不櫛恨難成進士生兒惜

未配參軍北宮老女拋瓊珮中閨儒風理練裙豈料一生如此畢白楊蕭瑟掩孤墳

隨園全集之二十六

沐
復
閣
詞
稿

王引才署

中華民國十年
上海商務印書
局總發行所

余家昔有三祖姑皆事吟詠先大父曾取其詩刊入小倉山房全集中題曰袁氏三妹合稿嗣余姊輩亦有能詩者三一曰琛華爲余長姊一曰柔吉爲余堂姊一曰黛華爲余再從堂姊彼時同居隨園中聯袂唱酬無間寒暑余最幼穉猶竊聞之厥後長姊就養山右喜甥輩已將琛華集付之剗剛惟柔吉乃及黛華兩姊以癸丑殉金陵失陷之難故詩稿並失心焉傷之亂定乃遇天長崇氏子爲柔吉姊之姪孫輩幸以抄存湘痕閣詩詞稿見貽噫貞魂烈魄冥冥中竟有呵護者不然何以圖書盡失而此卷獨流存耶余以薄宦無力付梓今承同宗古香閣呈慨然以剗剛自任此等風誼近世幾不復聞矣感激涕淋敬以原稿授之並贅數行於卷末以識發潛闡幽之盛德云光緒丁亥冬月弟祖志翔甫氏識

叙

余於丁巳孟夏暫羈河曲蓬心不振蒿日多憂時與王子甘巖撫桑落以延娛折舜華而絳
 詠間披青牘坐遣朱明偶出袁柔吉女士詩相示曰此璧水之璇流玉臺之錦製也可無一
 言以弁之乎女士靈根浙水秀出倉山徵蘭設悅之前銘菊垂髻之始金鸞曉筆披紫石以
 飛文織素秋絲纂青雲而落組博天公之笑早擅投壺騰邦媛之華爭為下鏡既而女牀載
 月堦浦栖雲銜鴛翼以為稠拂龍賓而傳翰香芳琴好愁一日之分離雪夏雷冬祝千秋之
 共命天長古名窈窕淑女如此良人樹草無憂將花何怨若夫匏瓜命獨特居紂絕之天玉
 樹神摧竟瘞沉冥之壤當是時飛龍骨出不難畢命於投棺黃鵠詞哀故欲殉恩以引玦而
 烏鳥則空巢待哺鳳雛則文襟方啼思一夕而九乖摩笄終忍扶寸田而尺宅銜闕奚辭孰
 知八難無涯三辰有譴羊祜之金環頓盡澤蘭之彤管俱亡貞木無春葉黃凋以畢雨寒巖
 背曜石赤露而還霜祚絕身單吁其悴矣至若大雷書遠傷雁去於賢昆白雪歌沈慟鸞吡
 於少妹悽愴山川之外邈綿綈素之間則又觸緒停絃怨蘼蕪而失夢含欵罷杼感桃葉而
 思歸者也當打槩石城之後屬傳烽江渚之初釁起蒼鵝鹵騎則投鞭忽渡兵頽朱雀關門
 則棄鑰全開於時玉弩飛空聲動鄭元之里珠樓濺血心傷李白之孫賦烏鵲以投臺靡他
 永矢效銀瓶之墜井此節終完嗟乎填精衛之寃滄溟尚淺汨娥皇之魂湘水何深天以醉
 而多惜人以孤而益層道稱與善復何言哉予幸為男子竊三樂於榮期悼彼佳人增四愁
 於平子同傷離亂為綴斯文甘泉李肇增冰叔

崇節母傳

節母姓袁氏名嘉字柔吉浙江錢塘人爲隨園先生長孫女幼端慧父遲極鍾愛母沈本才媛教以詩神解獨超尤工倚聲長歸天長崇氏崇巨族多巍科碩學所適雲根茂才名一穎負才望伉儷甚篤早卒遺子二女一以奉姑撫孤不得遂殉夫志飲水茹檠盡孝盡慈無何二子殤姑亦逝愴然獨處與孤女形影相弔薄田數畝歲值屢祲不得已返隨園侍父母側代弟輩理家政怡怡如也會父母次弟三弟夫婦均歿遺三孤撫如己子每當風宵雪夜一燈課讀儼若嚴師其時隨園先生所出遲公一支已中落嗣子通公一支頗溫飽家庭中多難言之隱乃縷述當年祖德痛陳目下艱虞勉勵三孤聲淚交迸二孤旋入泮一孤亦成立而孤女忽夭所謂彼蒼之報施固如是耶余姑母其冢弟婦也道光丙午秋余以省試金陵入隨園拜見之餘蒙異日視涼秋九月芙蓉盛開召羣弟姪暨余開尊聯吟縱談今古極一時文酒之樂其獎掖後進類如此合肥梁氏慕其才請授女公子經即儀徵阮孝廉恩海室也後南河于相山觀察延入署課諸女及愛妾而才名噪袁浦壬子夏余客浦上蒙招往見勉以亟歸赴試母飄泊隳志兼助資斧至今感不能忘是冬歸隨園時粵逆已破楚東下江省無戰守備余作書敦促出山一再不報似有默阻之者癸丑春賊破金陵乃仰天太息謂一生螢獨守節命也卽死節亦命也投池水淺不死服阿芙蓉喘二日乃死嗚呼烈矣同時隨園眷屬死者衆而節母爲尤慘僕媪輩咸懷其慈泣裹以衾掩倉山下越十二年城復屍已不可復殮哀哉所著有湘痕閣詩詞稿未付梓甚矣哉造物之忌才也里巷庸女子嫁富室安樂畢世或適小吏老死無僉獻者衆矣而節母負才早寡且獨乃淬其志於辛勤阨塞

中卒以身殉難豈才果不祥之物耶抑夙因有宜然者耶然而其節則千古矣秋風颯沓長
夜寂寥懷私恩激公義用是蒼茫感喟而爲之傳

甘泉篤生王榮昌